



Ака́фист  
Священномученику  
Алексію,  
митрополіту Лу́цкому  
и Во́льнскому,  
бывшему Экза́рху  
всея́ Украіны.







Ака́фист  
Священномученику  
Алексію,  
митрополіту Лу́цкому  
и Во́лынскому,  
бывшему Экза́рху всея́ Украіны.

Конда́к 1.

Избра́нный пропове́дниче Хри-  
сто́в и ве́ры пра́выя испове́дниче,  
пóдвигом святі́тельским подвиза́в-  
шийся в смире́нии, терпе́нии и  
любви́,/ я́ко дерзнове́ние имаши ко  
Го́споду,/ мо́лишися о ве́рных лю-  
дех,/ новоявле́нным мо́щем тво́им  
поклоня́ющихся и пою́щих ти́:/  
Ра́дуйся, священномучениче Алек-  
сіе, // кла́дезю щедропода́тельный  
Боже́ственныя благода́ти.

**Їкос 1.**

**А**нгела Цѣркве на́шея и всея́ страны́ Во́лыньскія в тебѣ́ ѡмамы, /  
яко епископа земли́ на́шея Бог тя  
сотвори́. / Ты́ же воистину́ перво-  
священник, отец и учитель вѣрным  
явился еси́, / неверными ненави́-  
димь, мучимь и гонимь, / и вѣру  
истинную да́же до кро́ве исповедал  
еси́, / сего́ ра́ди поѡм ти́: / **Р**адуйся,  
отцѣм и ма́терию правосла́вными  
рождѣнный: / радуйся, измла́да в  
вѣре пра́вой крещѣнный и воспи-  
таный. / Радуйся, по чину́ Цѣркве  
Восто́чныя и Тѣла, и Кро́ви Хри-  
сто́вых изде́тска приобща́вшийся: /  
радуйся, благоче́стию роди́телей  
твои́х подража́вший. / Радуйся, в  
хра́ме и олтарѣ́ Бо́жием диа́коном  
служи́щу отцѣ́ твоему́ благоговѣ́й-  
но сопрису́тствовавший: / радуйся,

пéнию церкóвному иску́сно сли-  
ковствовáвший./ Рáдуйся, А́нгела  
Храни́теля от Свята́го Крещéния  
твоегó да́же до преставлéния ни-  
коли́же оскорб́ивший:/ рáдуйся, в  
дéвстве твоём и в бра́ке укра́шен-  
ный целомúдрием./ Рáдуйся, во  
диáкона и священника рукопо-  
лóженный, Гóсподу достóйно по-  
служ́ивший:/ рáдуйся, мона́шес-  
каго пострижéния пред ра́кою пре-  
подóбнаго Ёова, Игúмена и чудот-  
ворца Почáевскаго сподóбльший-  
ся./ Рáдуйся, об́ители Кременéцкия  
настоя́телю и священноархиманд-  
рите:/ рáдуйся, святы́м Апóстолом  
преёмственнаго епíскопства со-  
прича́стниче./ Рáдуйся, священно-  
мúчениче Алекс́ие, // кла́дезю щед-  
ропода́тельный Божéственныя бла-  
годáти.

## Конда́к 2.

**В**и́дя па́ству твою́ тесни́мою иновѣрными и умале́нною, / моли́т-вою ко Го́споду и Пречи́стей Ма-рии Де́ве преоружился еси́, / сло́ва Бо́жия проповѣданием ре́вност-ным / Правосла́вие по́пранное воз-родил еси́, / и благодарственнo Бо́гу воспѣл еси́: // **Аллилу́иа.**

## И́кос 2.

**Р**азумом Божѣственным одарѣн, и благода́тию Ду́ха Свята́го оза-рѣн, / любóвию к Бо́гу и бли́жним горѣл еси́, / и по за́поведи Спаси́теля на́шего / напа́сти ти де́ющим, и клену́щим тя благотворил еси́ / и благословѣние о Го́споде препода-вал еси́, / ны́не же блаже́нствуеши и слы́шиши: / **Р**адуйся, Правосла́вия ревни́телю: / радуйся, ве́ру пра́вую проповѣдавший я́ко еди́ну че-

ловéком спасíteльную./ Рáдуйся, о людскѣх невéжествиих печáльнице:/ рáдуйся, лóжнаго мудровáния зáпаднаго обличíteлю./ Рáдуйся, раскóльников и язýчников посрамíteлю:/ рáдуйся, душепáгубнаго невéрия искоренíteлю./ Рáдуйся, ѝстиннаго богослóвия златословéсный учíteлю:/ рáдуйся, Апóстольских Предáний блюстíteлю./ Рáдуйся, свещé, Бóгом возжénная, мрак нечéстия разгоняющая:/ рáдуйся, звездó лучезáрная, путь ко спасéнию показúющая./ Рáдуйся, Цérкви Правослáвныя утверждéние:/ рáдуйся, землѣ нáшея озарéние./ Рáдуйся, Кременцá града украшéние адамантово:/ рáдуйся, пáсты Воль́нския похвалó./ Рáдуйся, священномúчениче Алексѣе, // клáдезю щедроподáтельный

Божественныя благодати.

### Кондак 3.

Силою благодатною преоружен,/ добльственно претерпевал еси скорби, злословія и клеветы,/ и миже обступаша тя лукавыя люди и демони, ищущия тя погубити,/ к помощи Пренепорочныя Владычицы прибегал еси,/ и невидимыя и видимыя враги посрамлял еси,// с Неою Богу поюще:// Аллилуиа.

### Икос 3.

Имея пастыря добраго устроение,/ овцы словесныя стада Христова, от волков мысленных и лжепастырей ограждал еси,/ и Божиим благословением покрываемый,/ козни бесовския и человеческия одолевал еси,/ и из обителей горних/ хвалу, тебе приносимую, слышиши:/ Радуйся, пре-

мудрости православныя цвѣте:/ радуйся, мир просветивший сияньми твоих добродетелей./ Радуйся, иерарше правоверный, паству свою добре питавший:/ радуйся, спасительным учением Апостольским верных напоивший./ Радуйся, любовью Христовою злобу врагов победивший:/ радуйся, терпение дивное в гонениях явивший./ Радуйся, Апостолов святых преёмниче:/ радуйся, исповедников добропобедных соратниче./ Радуйся, яко просветил еси люди славити Бога:/ радуйся, яко тобою пожерта бысть злоба./ Радуйся, имже Христос прославися:/ радуйся, имже сатана посрамися./ Радуйся, священномучениче Алексие, // кладезю щедроподательный Божественныя благодати.

### Конда́к 4.

Бу́рею гонéний лю́тых обсто-  
и́мь,/ мучéния и заточéние от изу-  
вéров и невéров несл еси́ без-  
ро́потно./ Внегда́ же мучи́тели тво́я  
власы́ из главы́ твое́я исторгáли/ и  
о́стрия мучи́лищныя в персты́ тво́я  
вонза́ли сýть,/ с крóтостию увеща-  
ва́л еси́ их,/ и к Го́споду, за ны́  
распéншемуся, взыва́л еси́:// **Алли-**  
лу́иа.

### И́кос 4.

Слы́шаще о вели́чии по́двигов и  
злострада́ний твои́х,/ и чуде́сном  
от убиéния безвре́меннаго спасé-  
нии,/ вéрнии служа́ху ти с лю-  
бо́вию о Христé,/ я́ко не́коему му́-  
ченику дрéвлему./ Ты́ же, испо-  
вédниче святы́й, от язвин сих и ран  
ещé не исцелéн,/ к труда́м архи-  
па́стырским возврати́лся еси́,/ и

сицевая прие́млеши:/ **Р**а́дуйся,  
скорб́ями ве́лиими искуше́нный:/  
ра́дуйся, я́ко зла́то в горни́ле очи-  
ще́нный./ Ра́дуйся, за Го́спода Ии-  
су́са на страда́ния приведе́нный:/  
ра́дуйся, и пред мучи́тели тво́ими  
жестоковы́ными Сы́ном Бо́жиим  
Его́ испове́давший./ Ра́дуйся, бого-  
бо́рцами зауше́нный и изби́енный:/  
ра́дуйся, к милосе́рдию их призы-  
ва́вший./ Ра́дуйся, уста́ беззакон-  
ных заградíвший:/ ра́дуйся, исти-  
ны спаси́тельныя им возвестíв-  
ший./ Ра́дуйся, из заточе́ния в за-  
точе́ние со смире́нием ше́дший:/  
ра́дуйся, от истязáний и ран в пути́  
изнемо́гший и в ро́ве умира́ти бро-  
шенный./ Ра́дуйся, близ сме́рти  
бы́вший и Бо́гом сохране́нный:/  
ра́дуйся, ве́рными подъя́тый и от  
ран исцеле́нный./ **Р**а́дуйся, священ-

номучениче Алексіе, // кладезю  
щедроподательный Божественная  
благодати.

### Кондак 5.

Боготочною кровию искуплен-  
ная от гибели вечная / в Церкви  
Божией Православной соблюдал  
еси, / и Таинства благодатными  
освящал еси, / едину веру истин-  
ную, святыми Апостолами насаж-  
денную, распространяя, / и верная  
Троице Святей пети наставлял  
еси: // Аллилуиа.

### Їкос 5.

Видяще ты юноши и юницы Во-  
лынския / святою и отеческою лю-  
бовию свыше вдохновляема и к  
ним обращаемая, / взаимною к тебе  
любовию о Господе исполняхуся, /  
и, яко возмогали суть, ты берегли, /  
до храма со славою препровождя-

ху ты:/ благословѣн Грядый во имя  
Господне, – глаголюще,/ мы же  
поём ти:/ **Р**адуйся, любве Хри-  
стовы сияние:/ радуйся, сокровище  
неистощимаго милосердия./ Ра-  
дуйся, церковнаго благочестия  
распространителю:/ радуйся, чис-  
тоты Православия охранителю./  
Радуйся, взыскавший спасения  
многих:/ радуйся, сердца их пле-  
нивший твоими кротостию и не-  
злобием./ Радуйся, богоглаголивый  
провозвестниче Евангельския пра-  
вды:/ радуйся, добре упасший пре-  
порученное тебе словесное стадо./  
Радуйся, юным пример благий по-  
дававший:/ радуйся, праведным  
нравом твоим их назидавший./  
Радуйся, Отца Небеснаго дела  
добрими прославляющий:/ радуй-  
ся, верным сердца услаждающий./

**Р**áдуйся, священномучениче Алексіе, // кладезю щедроподательный Божественныя благодати.

**Кондак 6.**

**П**роповедник неустанный явился еси истин веры православныя, / имиже Господь наш Иисус Христос / Церковь Свою и нас, грешных, Церковь, Им таинственно возглавляемою, / от заблуждений, отпадений и ересей огради, / ты же, добре ведущий сие святителю, / ныне пел еси Троице Святей и ныне поеши: // **Аллилуиа.**

**Икос 6.**

**В**озсиял еси звездою, Богом данною, / в ночи кривоверия и безбожия веру правую в стране Вольнской исповедующим, / и яко звезды путь ведущим и на них взирающим путеводствуют, / тако и

ты́, всем ко спасéнию стремящимся/ и Бóгу угождáти и́щущим помога́еши, пою́щим:/ **Рáду**йся, архипáстырю, пре́искренне возлюб́ивший челове́ки:/ рáдуйся, в тва́ри Его́ словéсной о́браз Творца́ почита́вший./ Рáдуйся, вёрныя и невёрныя, и да́же на véру возста́вша б́лижними с любóвию именовáвший:/ рáдуйся, о вразумл́ении и спасéнии всех Гóсподу в́ину моля́щийся./ Рáдуйся, пáству твою́ и пáстыри к томú же располагáвший:/ рáдуйся, плéвелы неприязни к неправомы́слящим любóвию соверш́енною пожигáвший./ Рáдуйся, гн́евом и я́ростию никол́же посещ́енный:/ рáдуйся, смиренномúдрием и крóтостию на ты́ враждова́вша умиротворя́вший./ Рáдуйся, сия́нием св́ятости лик озаря́емь

имѹщий:/ радуйся, яко с Первовер-  
хóвным апóстолом Пáвлом и лю́ди,  
тобóю спаса́емая: такóв нам и по-  
добáше архиерей, – глагóлаша./  
Рáдуйся, Дѹха Свята́го осия́нием  
пресвѣтлым обогатѣвший и инѹя  
богатя́щий:/ радуйся, светѣльниче  
немеркнущий Свѣта Невечѣрняго,  
на спасѣ́ния стезѣ́ приводя́щий./  
Рáдуйся, священномѹчениче Алек-  
сѣе, // кла́дезю щедроподáтельный  
Божѣственныя благодáти.

### Конда́к 7.

Хотя́ Ева́нгельскую ловѣ́тву по  
глагóлу Иисѹсову дѣ́яти, / дóбре  
тружда́лся есѣ́, / не се́ти лóвчия, а  
сло́ва Христо́ва се́яние пригото-  
вля́я, / и снѣдию, Дѹха Свята́го ис-  
пóлненною, / áлчу́щия и жа́ждущия  
пра́вды привлѣ́кл есѣ́, / во́лею их  
Цáрству Небе́сному усво́я, // пою́-

щия Бóгу: Аллилу́иа.

### Їкос 7.

Но́вый светі́льник имúще в те-  
бе,/ Бóгом возжéнный Цéркви Егó  
Святéй на за́паде на́шея держáвы,  
ра́довахуся правосла́вныя, вıдяще  
тя/ свет боговéдения пода́ющим  
да́же неправосла́вным лю́дем./ И  
якоже неколéблемь стоя́л еси́/  
на ка́мени істин вéры,/ ны́не от чтú-  
щих тя слы́шиши/ тёплыя благо-  
хвалéния:/ Ра́дуйся, от востóк со́л-  
нца до за́пад Бóгу послужıвший:/  
ра́дуйся, свéтом прáвыя вéры Во-  
лы́нь освятıвший./ Ра́дуйся, мо-  
літвою непрестáнною и псалмопé-  
нием преподóбнически подвизáв-  
шийся:/ ра́дуйся, богомы́слием,  
бдéнием и трезвéнием Отцём свя-  
ты́м подражáвший и уподóбив-  
шийся./ Ра́дуйся, вıну готóвый да-

ти отвѣты вопрошающим о Бóзе и таинствах вѣры:/ радуйся, и с умудрѣнными, и с прóстыми на пользу глаголавший в мѣру их разумѣния./ Рáдуйся, пшеницу чистую слóва Бóжия всюду сѣявший: и на землѣ, и на камени:/ радуйся, витáти не возгнушáвшийся не вѣдавших чистоты исповѣдания Правослáвнаго./ Рáдуйся, ходáтайствовавший в молѣтвах и постѣвшийся за непросвещѣнные Правослáвием лю́дие:/ радуйся, в язы́честве словѣнском и е́реси латѣнской коснящих к правове́рию призывáвший./ Рáдуйся, дóбре во Христѣ жителствовавший и тобо́ю пасóмыя от сквѣрн очищáвший:/ радуйся, лукавыя сѣятели, вѣдимыя и невидимыя, с пáжити своѣй тóчною отгнáвший./ **Рáдуйся**, священно-

мучениче Алексіе, // кладезю щед-  
роподательный Божественная бла-  
годати.

### Кондак 8.

Станный для иудеев являл еси  
апостольский дар языков, / и тако с  
поляки неправославными на соб-  
ственных их наречиях просвещал  
еси. / Ещже непамятозлбием  
удивляя неверных, / верным тво-  
рящих напасти, / многия обратил  
еси ко Христу, / во еже Троице  
Святей пети: // Аллилуиа.

### Икос 8.

Весь о Господе точною всем по-  
служил еси, святителю, / да хотя  
некия Христу приобрящеши: / и  
всем с тобою общавшимся / о вере  
спасительней, покаянии и правед-  
ном жителстве / со властью, тебе в  
епископстве данною, / и свыше

вдохновлённою сілою свидѣтель-  
ствовал есі./ Тѣмже вѣрнии с бла-  
годѣрностію ти поѹт:/ **Р**адуйся,  
безкорѣстием всецѣлым служѣние  
Бѹгу и блѣжним осолѣвшій:/ ра-  
дуйся, славу от человек ѹко сует-  
нѹю и лѹжную презрѣвшій./ Ра-  
дуйся, дѣры, в епѣскопской хиро-  
тѹнии тѣ ниспѹсланныя, по словесѣ  
сѣ Апѹстольскому возгревѣвшій:/  
радуйся, со страхом Бѹжиим и вѣ-  
рою безупрѣчною во славу Святѹя  
Трѹицы потрудѣвшійся./ Радуйся,  
Богорѹдицу и Мѣтерь Свѣта в пѣс-  
нех возвелѣчившій и в словесѣх  
проповѣдавшій:/ радуйся, святѹни  
Горѹ и Лѣвры Почѣевскія с коле-  
нопреклонѣнными молѣнии благо-  
говѣйно почитѣвшій./ Радуйся,  
безстрашный путевождѹ Христѹва  
мѣлаго стѣда, не имѹщаго боязни

пред челове́ки:/ ра́дуйся, Го́спо-  
дом просвеща́емый архипа́стырю,  
преосвяще́нный во ве́ки./ Ра́дуйся,  
не превозно́сившийся высотóю  
своегó звáния:/ ра́дуйся, Бо́гу и  
лю́дем Ему́ ве́рным послужи́ти  
прише́дший Христу́ подража́я./ Ра́-  
дуйся, мно́гия возлюбíвший и  
мно́гими любíмый:/ ра́дуйся, оби́-  
дящия простíвший и Суди́ею Пра́-  
ведным прощё́нный./ Ра́дуйся, свя-  
щенномучени́че Алексíе, // кла́де-  
зю щедропода́тельный Божество́вен-  
ная благода́ти.

### Конда́к 9.

Всем с премúдростию богодари́-  
ванною,/ ве́рою, наде́ждою и лю-  
бо́вию о Христе́ раство́ренною,/  
пу́ть спасе́ния ука́зывая/ сам о  
Го́споде сими́ спаса́лся еси́, свя-  
щенномучени́че,/ не то́кмо сло́вом,

но и дѣлы твоими/ Трѳице Святѣй  
плоды дѳбрыя принося и научая  
всех пѣти: Аллилуиа.

### Икос 9.

Витию истиннаго, Богом им да-  
рованнаго/ и истины богооткро-  
венныя проповѣдующаго, в тебѣ  
видяще чада твоя духовныя,/ бого-  
словию и славословию православно-  
ному приобщахуся,/ и ведением  
сим богомыслие и молитвы своя  
украшающе,/ Господу благоуго-  
дили суть,/ и яко наставника сво-  
его мудраго/ тя хваляще воспева-  
ют:/ Радуйся, сам искушен быв,  
искушаемым помогай:/ радуйся,  
дѳбре стадо свое наставляяй./ Ра-  
дуйся, веру, тобою проповѣдан-  
ную, тояжде веры делами укреп-  
ляяй:/ радуйся, не иский словесы  
пред людьми оправдѳтися, от пра-

ведных твоих дел пред Богом оправданный./ Радуйся, правдою точию руководствуясь, и с праведными навѣки сопричтенный:/ радуйся, сугубо мучимый и замученный правды ради, во Царствии Небеснем от Солнца Правды изрядно почтенный./ Радуйся, разумом Божественным озаренный:/ радуйся, богомудрых даров преисполненный./ Радуйся, высоту боговедения от Отцев древних унаследовавший:/ радуйся, глубины Божественнаго Откровения из Писаний Апостольских почерпавший./ Радуйся, широту познаний твоих у Учителей и Святителей Вселенских заимствовавший:/ радуйся, удобопонятностию словес вероучительных, тобою проповеданных, Богословам Великим уподо-

бывшийся./ **Р**áдуйся, священномучениче Алексіе, // кладезю щедроподáтельный Божéственныйя благодáти.

### **Кондáк 10.**

**С**пасті хотя невёрныя и иновёрныя людіе, / якоже Великий Мака́рий иногда языческаго жреца, / ласкою и привéтом искренним тщáлся еси ко Гóсподу привесті, святый митрополите, / тии же подыго благое Христово вью свою подклоняюще, / пети Бóгу твоёму право училися суть:// **А**ллилуиа.

### **Йкос 10.**

**С**тенюю заступлénия нуждающимся быв, / достоянием Бóжиим и своим / рабóм Христовым истинным помогáл и служил еси, мiлостивый óтче, / и руку свою, Христа ради дающую, / николіже оскуде-

вающею видел еси, / ещѣже и мѣло-  
стыню духовную благоподавая  
ктому, / слышал еси сѣце: / **Р**адуйся,  
мѣлостыни Небѣсныя и земныя  
прѣсно подававший: / радуйся, не-  
вѣрныя и кривовѣрныя с любовью  
в сочувствующия правовѣрию пре-  
вращавший. / Радуйся, не уничи-  
жавший заблуждшия, а мѣлостив-  
но горѣ обращающий: / радуйся, не  
судящий и хулящий их, а терпе-  
ливо исправлявший. / Радуйся, не-  
праведно обижаемая от уныния и  
отчаяния вѣрою и надеждою скоро  
избавлявший: / радуйся, силою все-  
прощения и любви обидящия и  
мучающия поражавший. / Радуйся,  
щедроты твоѣ от хлада и глада  
страдающим таяся похвал являв-  
ший: / радуйся, заботы твоѣ отѣ-  
ческия о малых сих николѣже пре-

кращавший./ Рáдуйся, посреде иновёрцев живущия правосла́вныя посещавший:/ рáдуйся, в нужде и печáли сущим и делом, и слóвом благотворивший./ Рáдуйся, обрадовавший скорбящих:/ рáдуйся, болящих утешавший./ Рáдуйся, священномучениче Алексíе, // кладезю щедроподательный Божественныя благодáти.

### Конда́к 11.

Пéние благодарственное в скорбех и искушениях приносѧ,/ в мéру вóзраста Иисус Христо́ва пришёл еси́, страсотёрпче святителю Алексíе,/ и я́ко Той в Гефсимáнии в рúце человек грешных волею вдал Сѧ есть,/ та́ко и ты́ везён был еси́ на заклáние,/ поя́ Бо́гу, я́коже вы́ну пел еси́ Ему́:// Аллилу́иа.

## Їкос 11.

Свещёу, пламенем любвё бого-  
дарованныя возжённою, возсиял  
еси, / светильниче нóвый на́шея  
дрéвняя земли, / и а́ще в ней по-  
ко́ился еси́ лёта шестьдесят и три, /  
под спúдом еси́ нé был. / Сё бо вёр-  
нии в об́ители Кременёцкой пёр-  
вее, / и близ грóба мáтери твоея́  
втори́цею погребённому / я́ко свя-  
т́ителю поклоня́лися ти сýть пою́-  
ще: / **Рáдуйся**, напа́дения вра́жи  
моли́твою отгоня́вший: / **ра́дуйся**, в  
страд́аниях Гóспода прославля́в-  
ший. / **Рáдуйся**, злослóвным ты ни-  
чесóже отве́щавáвший: / **ра́дуйся**,  
непра́во ты сýдящим проща́вший. /  
**Рáдуйся**, тéло убивáющих не убо-  
я́вшийся, душё твое́й повред́ити не  
могúщих: / **ра́дуйся**, во главу́ и в  
десни́цу стреля́нии о́гненными

смертѣльно уязвленный, дѹшу свою святѹю в рѹце Бѳжи блаженно предавший./ Радуйся, не самага себе точию, но и помощников твоих двоицу в жертву Бѳгу приятную вознесший:/ радуйся, лучшия из паствы твоея пастыря и мирянина девственнаго на трапезу к Царю Небеси и земли в одежды белы одеянные с собою приведший./ Радуйся, не много потрудившихся дѹши, а много возлюбивших Христу Спасителю нашему уневѣстивший:/ радуйся, яко святитель, и исповѣдник, и мученик Христов увенчанный./ Радуйся, мир всем с благословением именованным подававший архиерею, в годину бранную за веру убиенный:/ радуйся, от козней безбожник, гробы святых разоряв-

ших, вѣрными сохранѣнный./ **Р**а-  
дуйся, священномучениче Алек-  
сѣе, // кладезю щедроподательный  
Божественныя благодати.

### **Кондак 12.**

**Б**лагодатию неизреченною свѣ-  
ше приосенѣн,/ мѣра духовнаго  
исполнял еси сердца приходящих  
тя почтѣти,/ внигда же в обитель  
твою с кладбища Кременца града  
долженствовал еси быти перене-  
сѣн,/ таинственно вдохновлял еси  
всех,/ святѣне твоѣй имущих по-  
служити/ и Бѣгу о сем поющих://  
**А**ллилуѣа.

### **Ўкос 12.**

**П**оюще мощей твоих честных  
обрѣтение,/ ѣмиже истѣчник но-  
вый, из земли Кременецкия близ  
Почаева/ от руки Бѣжией вѣрным  
бысть изведѣн,/ пред ракою, их

хранящею, приклоняющесея, / и милостей велиих сподобляющесея, / Господа за тя благодаряще, тако ти зовем: / **Радуйся**, Богом даруемая неизреченныя благодати мученическаго преёмниче: / радуйся, яко честныя останки твоя туюжде благодать обильно источают. / Радуйся, святынею твоею верныя благодатно увеселяющий: / радуйся, посещавшия могилы твоя предивно облагодатствовавший. / Радуйся, не помышлявших о прославлении твоём на мощах твоих почивающею благодатию просветивший и славити тя о Господе наставивший: / радуйся, всем со тцанием мощи твоя ископавшим велие умиление сердечное даровавший. / Радуйся, яко к изнесению мощей твоих святых земля у могилы тво-

ея послѣдняя чудѣсно умягчїся:/  
ра́дуйся, я́ко та́яжде землѣ́ уже́ без  
гроба́ ты поко́ившая, в преосвящен-  
ныя и освященныя рѹ́це ты преда-  
де́./ Ра́дуйся, я́ко голени́ща сапо́г  
твои́х истлѣ́ли сѹ́ть, а кровь тво́я за  
Христá изли́нная и стопы́ тво́я  
обагрѣ́вшая, да́же доны́не червлѣ-  
ною оста́шася:/ ра́дуйся, я́ко тремѹ́  
стреля́нии сокруше́нныя гла́ва и  
десни́ца тво́я благодáтно благоухá-  
ют и о кончи́не тво́ей мѹ́чени-  
ческой свидѣ́тельствуют./ Ра́дуйся,  
я́ко Терно́польский и Почáевский  
Архиепи́скопы со священники,  
игѹ́мению и сѣ́страми с Крестомъ  
Христóвым и хорѹ́гвями в обитель  
твою́ Кременѣ́цкую ты возвра-  
ща́юще, во гробѣ́ но́ве сѹ́ть перене-  
сли:/ ра́дуйся, Бóгом просла́влен-  
ный, благодáтию Егó на тебѣ́ по-

чивающею нас умиротворяющим и в святости твоёй уверяющим./ **Ра-**дуйся, священномучениче Алексіе, // кладезю щедроподательный Божественныя благодати.

### **Кондак 13.**

**О**, святителю Христов, / исповедниче и мучениче земли Волынской / митрополите Алексіе, / веру православную даже до кончины твоея священномученическия неленостно проповедавший, / нынешнее сіе приимше молитвенное приношение, / Господу прошение о прощении и спасении нашем вознеси, / да и мы с тобою вину Ему поём: // **Аллилуиа.**

**Сей кондак глаголи трижды, и паки:**

### **Икос 1.**

**А**нгела Церкви нашея и всея страны Волынской в тебе и мамы, /

яко епископа земли нашей Бог ты сотвори./ Ты же воистину перво-священник, отец и учитель верным явился еси,/ неверными ненавидимь, мучимь и гонимь,/ и веру истинную даже до крове исповедал еси,/ сего ради поем ти:/ **Р**адуйся, отцем и матерю православными рожденный:/ радуйся, измлада в вере правой крещенный и воспитанный./ Радуйся, по чину Церкви Восточных и Тела, и Крови Христовых издетска приобщавшийся:/ радуйся, благочестию родителей твоих подражавший./ Радуйся, в храме и олтаре Божиим диаконом служащу отцу твоему благоговейно соприсутствовавший:/ радуйся, пению церковному искусно сликовствовавший./ Радуйся, Ангела Хранителя от Святаго Крещения

твоего́ да́же до преставлѣния ни-  
коли́же оскорбѣвший:/ ра́дуйся, в  
дѣвстве твоѣм и в бра́ке украшен-  
ный целомудрием./ Ра́дуйся, во  
диа́кона и священника рукопо-  
лѣженный, Госпо́ду досто́йно по-  
служѣвший:/ ра́дуйся, мона́шес-  
каго пострижѣния пред ра́кою пре-  
подѣбнаго Йо́ва, Игу́мена и чудот-  
ворца Поча́евского сподѣбльший-  
ся./ Ра́дуйся, обители Кременѣцкия  
настоятелю и священноархиманд-  
рите:/ ра́дуйся, святы́м Апѳостолом  
преѣмственнаго епѣскопства со-  
прича́стниче./ Ра́дуйся, священно-  
мучениче Алексѣе, // кла́дезю щед-  
ропода́тельный Божѣственныйя бла-  
годати.

### Конда́к 1.

Избра́нный проповѣдниче Хри-  
сто́в и ве́ры пра́выя исповѣдниче,/

пóдвигом святíteльским подвизáв-  
шийся в смире́нии, терпе́нии и  
любви́,/ я́ко дерзнове́ние имаши ко  
Го́споду,/ мо́лишися о ве́рных лю-  
дех,/ новоявлéнным мо́щем тво́им  
поклоня́ющихся и пою́щих ти:/  
**Ра́дуйся**, священномучениче Алек-  
си́е, // кла́дезю щедропода́тельный  
Божéственныя благода́ти.

### **Моли́тва.**

**О**, изрядне уго́днице Христов, святíteлю, испове́днице и мучени-  
че о́тче наш Алекси́е! Земли́ Хо́лм-  
ския прозябе́ние благода́тное и  
Во́лыни правосла́вныя дре́во бла-  
госенноли́ственное, в правове́рии  
искóнном укорене́нное, ли́ствием  
же сво́им и плоды́ пребыва́ющее в  
Ра́и! Постриже́ния мона́шескаго у  
святы́нь Поча́евских сподо́бив-  
шийся, во́истину преосвяще́нный

предстоятель Богоявленскія обители Кременецкiя явился еси, и множицею веру правую пред мучители изувѣрными и невѣрными исповѣдавший, венец священномученический воспріял еси, и землю Волынскую от вѣсей ровенских да же до Кременца града на колеснице по убиении перевозимъ, кровию своею оросил и освятил еси. Ныне же в обители твоѣй в храмѣ Божием покоишися и миром душевным исполняеши всех притекающих к раце твоихъ мощей. Молись в Троице Святѣй славному Богу нашему Отцу безначальному, Сыну Единородному и Духу Животворящему, и пред Пречистою Дѣвою Богородицею ходатайствуй, да призрят на православныя люди державы нашея, и от востока ея до

за́пада еди́ну ве́ру и́стинную и  
то́чию еди́ну благода́тную Це́р-  
ковь на́шу утвер́дят. И я́коже прэ-  
жде до́бре па́стырствуя волко́в и  
наёмников, овец расхища́ющих и  
гу́бящих, не убо́ялся еси́, та́кожде  
и ны́не напáстми обурева́емое и  
уничжа́емое овец словéсных Хри-  
сто́во ста́до примéром тво́им и мо-  
ли́твами в гонéниях и искушéниях  
укрепи́. Да и мы́ в терпéнии своéм  
сподо́бимся стяжа́ти грехо́в про-  
щéние и душ на́ших спасéние улу-  
чи́м. **А**ми́нь.



